



廣義法門經一卷

出中阿含經一品

止

陳天竺三藏真諦

譯

如是我聞一時淨命舍利弗住舍衛國祇陀樹林給孤獨園與大比丘眾俱是時淨命舍利弗語諸比丘諸比丘言大德舍利弗舍利弗言長老我今為長老說法初善中善後善義善語善純一無雜圓滿清淨今為汝等顯示梵行謂廣義法門是故汝等今當諦聽一心恭敬善思念之此廣義法門長老有十二種離難隨順道時能起方便為證得聖法何等十二一自勝得二他勝得三生人道四生聖地五性得利根六得成正見七善作資業八善處生信九值佛出世十佛正轉法輪十一正法在世末滅十二依佛教於正法中如理修行長老是十二種離難隨順道時能起方便為證得聖法長老能說比丘若欲為他說於正法與法及義相應此語應說謂恭敬次第相攝相應生他歡喜及以欲樂滿足正勤不損惱他所說如

廣義法門經

第三卷

七

理相應無雜隨順聽眾此言應說有慈悲心有利益心有隨樂心不著利養恭敬讚歎若正說法陰時不得自讚自高不得毀訾他人長老若人欲聽正法與十六相乃可聽受何等十六一隨時聽二恭敬三欲樂四無執著五如聞隨行六不為破難七於法起尊重心八於說者起尊重心九不輕撥正法十不輕撥說者十一不輕已身十二一心不散十三欲求解心十四一心諦聽十五依理正思十六億持前後而聽正法佛聖弟子若能如此恭敬諦聽信根生長於正法中心得澄淨以此為先則於涅槃生歡喜心及求得心以此為先則於涅槃生喜樂心離於愛著以此為先則於涅槃滅除惑障得一定心以此為先則於涅槃捨離疑惑生正直見以此為先則於涅槃起迴向心為修觀行為熾然修為應隨道法為滅助道障法為得安住心為得第一義以此為先於一切行法寂滅證得真空受滅離欲於無生涅槃得入成住信樂之

心以此為先則於涅槃及陰無常得入成住信樂之心以此為先則於涅槃及四聖諦法眼清淨為生慧眼以此為先則於涅槃而得解脫以此為先則於涅槃解脫知見皆得圓滿長老由能如此如理一心諦聽正法諸聖弟子則不損惱能說法者已能了別正說言味即是依法供養大師證得已利及以涅槃是聽法人有十種法生起能成熟般若何等為十一親近善友二能淨持戒三心欲求解四樂受善教五樂供養說者六依時難問七諦聽正法八恒修正法九於可厭惡恒生厭心十已起厭心如理能起四種正勤何等名為依理正勤謂於善法心無懈怠恒練治心淨諸惡法若心未得定今得自在若心未通達今得了達如此則名依理正勤長老若聖弟子自如此依於道理而起正勤有十種相應法修行何等為十一不淨想二無常想三於無常觀於苦想四於苦法中觀無我想五厭惡食想六於一切世間無安樂想七生光

明想八觀離欲想九觀滅離想十觀死想長老有十四法能違能障此不淨想何等十四一共女人一處住二失念心觀視女人三恒起放逸四生重欲心五數習淨想六不數習不淨想七恒共作務人聚集而住八隨彼所行九不樂聽正法十不問正法十一不能守護六種根門十二食不節量十三獨住空處不得安心十四不能如實觀察二無常想者謂愛者行法為障三於無常苦想者有六法為障何等為六一懈怠二懶惰三恒樂住息四放逸五不能隨行六不能如實觀察四於苦無我想者我見為障五厭惡食想者貪味為障六於一切世間無安樂想者於世間希愛欲為障七生光明想者有十一法為障何等十一一疑惑二不能思量三身塵重四睡弱五正精勤大過六正精勤下劣七心濁八心驚九生種種想十多言說十一於色起軍極瞻視八觀離欲想者有欲為障九觀滅離想者隨法執相為障十觀死想者愛壽為

障如此等障未曾伏滅為滅此障有三種法軍多恩德何等為三一樂修二滅離三多住前二長老有十四法於不淨觀取多恩德一不共女人一處住二不失念心觀視女人三恒不放逸四不生重欲心五數習不淨想六不數習淨想七不共作務人住八不隨其所行九樂聽正法十樂聞正法十一自護六根門十二節量食十三獨處心得安住十四能如實觀察長老一不淨想者若事修習則能滅除欲塵愛欲二無常想者若事修習能滅一切行法愛者三於無常觀苦想者若事修習能除懈怠及懶惰心四於苦法中觀無我想者若事修習能除我見五厭惡食想者若事修習能滅貪味六於一切世間無安樂想者若事修習能滅世間希有愛欲七生光明想者若事修習則能生長智慧及見八觀離欲想者若事修習能除有欲九觀滅離想者若事修習能滅一切有為法攝十觀死想者若事修習能除壽命貪愛長老若聖弟子

廣教法門經 卷第八 止字字

如此如理正修正勤有二十法是勤
 修障何等二十一與不修觀人共住
 二不樂聽聞三不得非隨順教四自
 成靜寂五有多未欲六多事七不如
 法立資生八捨荷負善法九值八種
 難十隨流散動十一高憍十二者不
 受善教十三失念十四放逸十五不
 住正士十六不守根門十七不節量
 食十八初夜後夜不覺悟修行十九
 獨住空處不得安心二十不能如實
 觀察長老如此二十種障未曾伏滅
 此障有十一法於伏滅此障有多思
 德何等十一一信樂修行二觀修功
 德三能行難行四能制伏自心五心
 無退墮六了達正法實相七不輕已
 身八身聽無厭九問難決疑十獨處
 空閒心得安住十一能如實觀察長
 老諸聖弟子若能如此修習正勤有
 二十法眾多思德何等二十一與修
 觀人共住二樂聽聞正法三得隨順
 教四自不靜寂五無多欲求六无多事
 七如法立資生八不捨荷負善法九
 不遭八難十不隨流散動十一心無

廣教法門經 卷第八 止字字

高憍十二能受善教十三不失正念
 十四心無放逸十五住在正士十六
 能守護根門十七能節量食十八初
 夜後夜恒覺悟修行十九獨處空閒心
 得安住二十如實觀察長老有二十
 二處出家之人應數數觀察何等二
 十二一自念我今色形醜陋已捨在
 家可愛等相此第一事出家之人應
 數觀察二自念我今已著壞好色衣
 三自念我身裝飾異於世間四自念
 我資生繫屬四輩五自念我今依他
 恒時應須求覓資生謂衣服飲食卧
 具治病藥具六自念我今盡形壽於
 人間欲塵已受禁制七自念我今盡
 形壽於人間遊戲喜樂等事未受遮
 制八自念我今依戒為當呵責自身
 為當得不九自念我同行善友為當
 於法然中不可責我耶十自念我今
 將持此身為當得不放傷害不十一
 自念我今受用國土飲食得不空果
 不十二自念我今獨處空閒得安心
 住不十三自念我今何所得此日夜
 得過度十四自念我今於一切行寂

廣教法門經 卷第八 止字字

滅處證得空處及受滅處離欲滅無
 生涅槃得入成住信樂之心十五自
 念我今於陰無常想陰无所有相於
 陰虛相於陰無實相於陰壞相得入
 成住信樂之心十六自念我今於四
 沙門果中為當已證得隨一沙門果
 由此證得臨命終時聰明同行善友
 來責問時我以無疑畏心生喜樂心
 應當記自所得若自記時為如理不
 十七自念我今未離生法於未來世
 未度隨處託生十八自念我今未離
 老相十九自念我今未離病災二十
 自念我今未離死法未度死法二十
 一自念我今與一切所愛念樂惜別
 離各處不相應不相乘不相知決定
 應有二十二自念我今屬業受業控
 制由業為因以業為依我所作業若
 善若惡隨自有業決定受報如此等
 處出家之人應數數觀察若出家人
 數數觀察二十二處於沙門名則得
 圓滿若沙門名得圓滿已於七種相
 則得圓滿何等為七一恒修不息相
 二得恒教他不疲歇相三得無貪著

相四得無瞋恚相五得正念相六得無增上慢相七得一切資生為成就此故能得定如此七相皆得圓滿長老此心意識長時於色遊戲聲香味觸亦復如是色聲香味觸之所生長如此之心由不正思惟於甘露界不可安立長老有二十相凡夫之人以此諸相數數應須怖厭自心何等二十一我今空虛無有勝德二我今應當死無制伏死三我當墮寂底下四我今應行有怖難方五我今不識無怖畏方六我今不了光等直路七我今不得離散定心八我當求受生苦不可忍九善緣聚集不可恒得十能殺害者恒隨逐我十一六道對我無有遮蔽十二我今未得解脫四趣十三我今未離無量見類十四我今未作堤塘為遮未來無間業流十五我今未作無始生死相續後際十六若不故心造諸善業終不成作十七無有他人為他造業十八若不造作則無安吉十九若已作業此業無必有果報二十我今無知无明所覆必有

死災以是義故凡夫之人以此諸相數數應須怖厭自心若凡夫人以此二十相厭惡怖畏遮制自心復於二十種法速得依住何等二十一正思修心相心疾得住二思心次第相三思一心住相四入三摩提相五出三摩提相六得抑下心相七得拔起心相八得捨置心相九得遠離不應行處十得正事行處十一正受正教十二多習厭惡相十三多習喜樂相十四能得法門勝智十五正依止師尊十六正修善行心疾得住十七正修阿那波那念十八正修不淨觀十九正修四念處二十正修四聖諦觀於此實相中心疾依住長老諸聖弟子若能如理修習正勤復應知有十一種障導法為難何等十一一數數集眾二愛重飲食三恒喜起造作四恒喜言說五恒喜眠卧六恒喜雜話七恒喜喜不獨雜八愛惜己身九心恒散動十心恒放逸不樂修行十一住非土處長老此十一種名障導法未曾伏滅為滅除故有十勝智使應修學何

等為十一三摩提勝智二住定勝智三出定勝智四抑不勝智五拔起勝智六捨置勝智七等進勝智八善退勝智九方便勝智十引攝勝智長老諸聖弟子若能得此十種勝智復有十三喜樂依止法依内生起何等十三一若有信心人正思大師亦時喜樂即依內起是名第一有信心人喜樂依止二正思正法三正思惟僧四正思惟自他清淨戒五正思惟自他捨施善法六正思惟自他修道所證得法亦時依內即生喜樂七應作是念世尊為我滅眾苦法依此正念亦時依內即生喜樂八應作是念世尊為我生長眾多安樂利益法九應作是念世尊為我遮利斷隔無量有量量助道善法有信心人由此四念亦時於即生喜樂長老諸聖弟子等能數得十三喜樂依止四法復有五法至修圓滿何等為止四法一信樂二精進三獨處空閑心得安住四於修及滅心無厭極何等五法至修圓滿

第十卷 止字

一心安二心喜三心荷四心樂五心定長老如此五法生長圓滿故復有八刺即離滅壞何等為八一欲刺二瞋刺三癡刺四慢刺五愛刺六見刺七無明刺八疑刺由此八刺離滅壞故諸聖弟子則得十種無學聖法何等為十一無學正見二無學正覺三無學正言四無學正業五無學正命六無學正精進七無學正念八無學正定九無學正解脫十無學正解脫知見長老諸聖弟子由能證得十無學法恒得相應無有退失是聖弟子五分所離六分應相一測守護得四依止捨一諦偏執出過尋覓無濁思惟寂靜身行善解脫心善解脫慧獨住清淨所作已辦如此則說名勝丈夫長老是寂後心意識非色聲等所資生長緣無所有是時託後受生悉皆永斷是名苦永後際由此說義故所以說名廣義法門長老我已為汝等說法謂初善中善後善義善語善終一無雜圓滿清淨已為汝等顯示梵行所謂廣義法門我先許說如此

廣義法門經 卷十三 止字

歡言即今已說時淨命舍利弗說此經已時聰慧同行無量徒眾未證真義今得證未得沙門道果今皆已得歡喜踊躍信受奉行德舍利弗如此正說

佛說廣義法門經一卷

等經出中阿含一品陳天嘉四年歲次癸未十一月十日於廣州制旨寺次真諦三藏閣梨為譯

廣義法門經一卷

校勘記

- 一 底本，金藏廣勝寺本。二〇二頁中原版殘缺，以麗藏本換。
- 一 二〇二頁中一行經名，石、寶、續、圖、圃、徑、瀆作「佛說廣義法門經」。同行夾註，石無；續作「中阿含經一品」；徑、瀆作「此經出中阿含一品」。
- 一 二〇二頁中二行譯者，石無；寶、續、圖、圃、徑、瀆作「陳三藏法師真諦譯」。
- 一 二〇二頁中九行「法門」，寶作「法如」。
- 一 二〇二頁中末行，二〇三頁上七行「損惱」，石作「損惚」。
- 一 二〇二頁下一行「一心」，石、寶、續、圖、圃、徑、瀆作「注心」。
- 一 二〇三頁上二二行首字「想」後，石有「四於苦想四於苦想」八字。
- 一 二〇三頁中七行「不問」，續作「不

聞」。

一 二〇三頁中一〇行「觀察」後，**資**、**磧**、**普**、**南**、**徑**、**清**有「一不淨想者」五字。

一 二〇三頁中一九行「太過」，**石**、**資**、**普**、**南**、**徑**、**清**作「太過」。

一 二〇三頁中末行「執相」，**普**、**南**、**徑**、**清**作「執想」。

一 二〇三頁下一行第三字「此」，**石**無。

一 二〇三頁下三行首字「二」，**石**作「三」。

一 二〇三頁下九行「自護」，諸本作「守護」。

一 二〇三頁下一八行「愛欲」，**石**作「受欲」。

一 二〇四頁上三行及二〇行「聽聞」，**資**、**磧**、**普**、**南**、**徑**、**清**作「聽問」。

一 二〇四頁上三行第九字「非」，**麗**無。

一 二〇四頁上四行「聾瘡」，**石**作「龍瘡」。

一 二〇四頁上六行第一三字「者」，諸本無。

一 二〇四頁上八行「正士」，**麗**作「正士」。

一 二〇四頁上一三行「十一」，**磧**、**普**、**南**作「十二」。

一 二〇四頁上一四行第六字「行」，**石**無。

一 二〇四頁上一六行「身聽」，諸本作「樂聽」。

一 二〇四頁上一二行「欲求」，諸本作「求欲」。

一 二〇四頁中二行第一二字，二〇五頁中二一行末字「土」，**資**、**磧**、**普**、**南**、**徑**、**清**作「士」。

一 二〇四頁中一八行「法然」，**資**、**磧**、**普**、**南**、**徑**、**清**作「法律」。

一 二〇四頁下三行第八字「想」，**麗**作「相」。

一 二〇四頁下一一行「託生」，**石**作「記生」。

一 二〇四頁下一五行第五字「相」，

石作「想」。

一 二〇五頁上六行「如此」，**磧**、**普**、**南**、**徑**、**清**作「老此」。

一 二〇五頁上一〇行第八字「我」，**麗**作「我今」。

一 二〇五頁上一二行「直路」，**磧**作「真路」。

一 二〇五頁上二二行「必有」，**麗**作「不必有」。

一 二〇五頁上末行第七字「無」，**石**無。

一 二〇五頁中一二行第一三字「修」，**石**無。

一 二〇五頁中一八行「恒喜」，**石**、**資**、**磧**、**普**、**南**、**徑**、**清**作「恒戲」，下同。

一 二〇五頁中二〇行「喜不獨雜」，諸本作「不獨離」。

一 二〇五頁下一行「住定」，**磧**作「在定」。

一 二〇五頁下二行「抑不」，諸本作「抑下」。

一 二〇五頁下一〇行第八字「戒」，

石作「戒戒」。

一 二〇五頁下一六行「遮利」，諸本作「遮制」。

一 二〇五頁下一九行「長老」，石作「長者」。同行「等能」，諸本作「若能」。

一 二〇五頁下二一行「為止」，諸本作「為依止」。

一 二〇六頁上一行第一一字「心」，石無。

一 二〇六頁上七行第六字「學」，石無。

一 二〇六頁上一九行「苦永」，資、磧、晉、南、徑、清作「苦永斷」。

一 二〇六頁上二〇行「廣義」，石作「應義」。

一 二〇六頁中一行「歡言」，諸本作「等言」。

一 二〇六頁中四行第九字「德」，諸本作「大德」。

一 二〇六頁中六行經名，資、磧、晉、南作「廣義法門經」；徑、清作「佛

說廣義法門經」；麗作「廣義法門經一卷」。

一 二〇六頁中卷末經名與其後附記，石、資、磧、晉、南前後對置。

一 二〇六頁中七至九行附記，徑、清、麗無。

一 二〇六頁中七行「等經」，石、資、磧、晉、南作「此經」。

一 二〇六頁中九行首字「次」，石、資、磧、晉、南作「請」。